

太上老君開天經

卷二

中華古籍保護

太上老君開天經

蓋聞未有天地之間太清之外不可稱計虛
無之裏寂寞無表無天無地無陰無陽無日
無月無晶無光無東無西無青無黃無南無
北無柔無剛無覆無載無壞無成無賢無聖

卷三

無忠無良無去無來無生無亡無前無後無
圓無方百億變化浩浩蕩蕩無形無象自然
空玄窮之難極無量無邊無高無下無等無
徧無左無右高下自然唯吾
老君猶處空玄寂寥之外玄虛之中視之不

見聽之不聞若言有不見其形若言無萬物
從之而生八表之外漸漸始分下成微妙以
為世界而有洪元洪元之時亦未有天地虛
空未分清濁未判玄虛寂寥之裏洪元一治
至於萬劫洪元既判而有混元混元一治萬
劫至于百成百成亦八十一萬年而有太初
太初之時

老君從虛空而下為太初之師口吐開天經
一部四十八萬卷一卷有四十八萬字一字
辟方一百里以教太初太初始分別天地清

濁剖判溟滓洪濛置立形象安墜南北制正
東西開闢顯明光格四維上下内外表裏長
短麤細雌雄白黑大小尊卑常如夜行太初
得此

老君開天之經清濁已分清氣上昇為天濁

老君開天

氣下沉為地三綱既分從此始有天地猶未
有日月天欲化物無方可變便乃置生日月
在其中下照闇冥太初時雖有日月未有人
民漸始初生上取天精下取地精中間和合
以成一神名曰人也天地既空三分始有生

生之類無形之象各受一氣而生或有朴氣
而生者山石是也動氣而生者飛走是也精
氣而生者人是也萬物之中人最為貴太初
一治至于萬劫人民之初故曰太初是時唯
有天地日月人民都未有識名太初既沒而

蓋

二

有太始太始之時

老君下為師口吐太始經一部教其太始置
立天下九十一劫九十一劫者至于百成百
成者亦八十一萬年太始者萬物之始也故
曰太始流轉成練素象於中而見氣實自變

得成陰陽太始既沒而有太素太素之時

老君下降為師教示太素以法天下八十一

劫至于百成亦八十一萬年太素者萬物之

素故曰太素太初已下太素已來天生甘露

地生醴泉人民食之乃得長生死不知葬埋

棄屍於遠野名曰上古太素既沒而有混沌

混沌之時始有山川

老君下為師教示混沌以治天下七十二劫

混沌流行成其山川五嶽四瀆高下尊卑乃

其始起也混沌已來始有識名混沌號生二

子大者胡臣小者胡靈胡臣死為山嶽神
靈死為水神因即名為五嶽四瀆山川高下
混沌既沒而九宮九宮之時

老君下為師口吐乾坤經一部結其九宮識
名天地清氣為天濁氣為地從九宮已來天

藁二

三

是陽地是陰陽者剛強遠視難覩在天成象
日月星辰是也在地成形五嶽四瀆是也在
人成生心肝五臟是也分別名之有異惣而
名之是一也九宮沒後而有元皇元皇之時
老君下為師口吐元皇經一部教元皇治於

天下始有皇化通流後代以漸成之元皇之
後次有太上皇太上皇之時

老君下為師教示太上皇以治天下太上皇
之後而有地皇地皇之後而有人皇人皇之
後而有尊盧尊盧之後而有句婁句婁之後

而有赫胥赫胥之後而有太連太連已前混
沌已來名曰中古介時天生五炁地生五味
人氏食之乃得延年太連之後而有伏羲生
於一源之始繼天而生調習陰陽以定八卦
自伏羲已前五經不載書文不達唯有

老君從天虛空無億河沙在太清之外不可
稱計大道既分天地已來開置皇化轉佐天
帝通流後世以自記之伏羲之時

老君下為師號曰無化子一名鬱華子教示
伏羲推舊法演陰陽正八方定八卦作元陽

經以教伏羲以前未有姓字直有其名介時
人民朴直未有五穀伏羲乃教以張羅網捕
禽獸而食之皆衣毛茹血腥臊臭穢男女無
別不相嫉妬冬則穴處夏則巢居伏羲沒後
而有女媧女媧而有神農神農之時

老君下為師號曰大成子作太微經教神農
晉百草得五穀與人民播植遂食之以代禽
獸之命也神農沒後而有燧人燧人時

老君下為師教示燧人鑽木出火續日之光
變生為熟以除腥臊燧人沒後而有祝融祝

景二

四

融之時

老君下為師號廣壽子教修三綱齊七政三
皇修道人皆不病作按摩通精經次有高原
高陽高辛三世次有蒼頡仲說教書學文三
皇之後而有軒轅黃帝黃帝之時

老君下為師號曰廣成子消息陰陽作道戒
經道經黃帝以來始有君臣父子尊卑以別
貴賤有殊黃帝之後次有少昊少昊之時

老君下為師號曰隨應子作玄歲經亦時昇
平嘉禾生醴泉出麒麟至鳳凰來景星照少

昊之後次有帝顓頊顓頊之時

老君下為師號曰赤精子作微言經顓頊沒
後而有帝嚳帝嚳之後而有帝堯帝堯之時
老君下為師號曰務成子作政事經帝堯之
後而有帝舜帝舜之時

老君下為師號曰尹壽子作太清經帝舜之
後而有夏禹夏禹之時

老君下為師號曰真行子作德誠經夏禹之
後而有殷湯殷湯之後而至周初周初時
老君下為師號曰熒邑子作赤精經

藁二

五

老君曰秘化之初吾體虛無經歷無窮千變
萬化先下為師三皇已前為神化之本吾後
化三皇五帝為師并及三王皆勸令修善天
一地二人三時四音五律六星七風八州九
合有四十五子卯酉中央各有九筭戴九履

一左三右七二四為肩六八為足中有五龜
體成八卦水流歸末分八至丑葉落歸本分
六至亥金剛本強分二至未土王四季分四
至巳坎怨獨走高明數四艮八高樛三從坤
位乾當城坤與一相逐巽吁天門從乾貸一

震雷動澤從兌所減辰午酉亥自形之卦各
內其八卦以成餘有九筭成易字

老君即演行期術曰行期之法自有術先舉
坎就坤二西南王母東青龍習氣發囊地戶
間巽上四期入中宮筭出中宮昇於乾西之

大澤華山顛東北之上寅艮間南之炎火鳥
霍山番然變化北入玄

太上老君開天經終



